




SOUR PTK TUZLA

RADNA ORGANIZACIJA »PROGRES«

Pet godina „Progres“






SOUR PTK TUZLA

RADNA ORGANIZACIJA »PROGRES«

Pet godina „Progres“


Lukavac, 4. mart 1982.



- PET



ITRONICA



Publikacija izdata u povodu petogodišnjice Radne organizacije »Progres« i otvaranja Robne kuće »Lukavčanka« u Lukavcu

Redakcijski odbor: Arapčić Sead, Imamović Omer i Životić Slobodan

Odgovorni urednik: Arapčić Sead

Tiraž: 600 primjeraka

Štampa: IGTR »UNIVERZAL« Tuzla, OOUR »Grafičar« Tuzla

Za štampariju: inž Muharem Zahirović

PET GODINA USPJEŠNOG RAZVOJA SOUR PTK TUZLA — RADNE ORGANIZACIJE »PROGRES« LUKAVAC

Dinamičan i intenzivan razvoj industrije i rudarstva na području opštine Lukavac u periodu socijalističke izgradnje omogućio je razvoj ostalih privrednih oblasti i grana, među kojima i trgovine i ugostiteljstva.

Međutim, godinama su se trgovina i ugostiteljstvo razvijali stihijno, ovisno od pojedinačnih inicijativa u pojedinim područjima opštine, počev od nedakašnjih opštih zadruga i službi radničkog snabdijevanja, do više usitnjenih trgovinskih organizacija. Sličan razvoj bio je kod komercijalnog ugostiteljstva. Inicijative koje su davane u cilju objedinjavanja ovih uslužnih djelatnosti u ranijim periodima nisu nailazile na razumijevanje u pojedinim tadašnjim organizacijama, tako da su takve patuljaste organizacije životarile zadovoljavajući se same sobom, bez preduzimanja akcija i mjera za dalji uspješniji napredak.

Zahvaljujući sve složenijim tržišnim uslovima u zemlji, koji su mnoge privredne organizacije pokrenuli u pravcu poslovnog povezivanja i integrisanja, kao i sazreloj svijesti radnika u bivšim privrednim organizacijama, uz svestranu političku podršku organizacija i organa opštine, krajem 1976. godine došlo je do objedinjavanja trgovine i ugostiteljstva na području opštine i formiranja Radne organizacije »Progres« Lukavac.

U periodu od 1. 1. 1977. godine do 31. 12. 1978. godine Radna organizacija »Progres« Lukavac bavila se svojom djelatnošću potpuno samostalno. Shvatajući značaj većih integracionih cjelina u pogledu povezivanja proizvodnje i prometa radi uspješnijeg snabdijevanja stanovništva trgovinskom robom i ugostiteljskim uslugama, radnici udruženi u OOUR u sastavu Radne organizacije »Progres« Lukavac pokrenuli su inicijativu, a nakon toga se i odlučili da uđu u veliki proizvodno-trgovinski sistem SOUR PTK Tuzla. U ovom složenom sistemu Radna organizacija »Progres« Lukavac nalazi se od 1. 1. 1979. godine do danas.

U periodu od pet godina izvršeno je više organizacionih promjena Radne organizacije sa ciljem da se pronađe što adekvatniji oblik organizacije rada koji omogućuje postizanje maksimalnih rezultata poslovanja svih OOUR udruženih u njoj.

Danas se u sastavu SOUR PTK Tuzla Radne organizacije »Progres« Lukavac nalazi 5 OOUR i jedna radna zajednica, i to:

- OOUR »Distributivni centar — Progres«,
- OOUR »Maloprodaja«,
- OOUR »Građa-Ogrev«,
- OOUR »Jedinstvo«,
- OOUR Robna kuća »Lukavčanka«, i
- Radna zajednica za administrativno stručne, komercijalne i finansijske poslove.

● Razvoj socijalističkih samoupravnih društveno-ekonomskih odnosa sve uspješniji

U periodu od 1. 1. 1977. godine do danas u okviru Radne organizacije uspostavljeni su takvi socijalistički samoupravni društveno-ekonomski odnosi između radnika koji su udružili svoj rad u OOUR i u Radnoj zajednici, koji im omogućuju da dođu do punog izražaja u pokretanju i rješavanju svih bitnijih pitanja u Radnoj organizaciji. Svi samoupravni opšti akti bazirani su na načelima Ustava i principima ZUR i oni se iz godine u godinu stalno unapređuju i usavršavaju.

Međusobni društveno-ekonomski odnosi između OOUR bazirani su na dohodovnim principima, uz istovremenu zastupljenost određenog stepena solidarnosti sa radnicima koji su udružili svoj rad u OOUR koje su zbog datih uslova privređivanja manje rentabilne odnosno akumulativne.

Radna organizacija »Progres« u sastavu SOUR PTK Tuzla predstavlja značajnu kariku u ukupnom proizvodno-trgovinskom sistemu i kao takva daje svoj doprinos u dohodovnom povezivanju proizvodnje i prometa u okviru složenog sistema. Sve obaveze koje proizlaze iz usvojenih samoupravnih opštih normativnih dokumenata u Složenoj organizaciji udruženog rada PTK Tuzla, Radna organizacija »Progres« Lukavac blagovremeno izvršava i time učvršćuje zajedništvo proizvodnje i prometa u tuzlanskom bazenu i šire.

Poslovna saradnja radnih organizacija udruženih u SOUR PTK Tuzla sa Radnom organizacijom »Progres« je veoma dobra i zahvaljujući toj saradnji mnogo se uspješnije nego ranije rješavaju problemi snabdijevanja stanovništva najvažnijim industrijsko-poljoprivrednim i prehrambenim proizvodima, kao što su: brašno, hljeb, mlijeko i mliječni proizvodi, pivo, tekstil i konfekcija, bijela tehnika i akustika itd. U cilju stvaranja još boljih uslova za razvoj pojedinih djelatnosti u okviru SOUR PTK vrši se udruživanje dijela sredstava amortizacije i čistog dohotka na principima dohodovnog povezivanja, čime se stvaraju uslovi za efikasnije rješavanje nesklada između ponude i potražnje nekih deficitarnih proizvoda.

U Radnoj organizaciji »Progres« djeluju, pored organa upravljanja, i sve društveno-političke organizacije čiji je domen udruženi rad. Postoji 6 OOSK, 6 OOSS, SSO, konferencija Saveza sindikata i tematska konferencija SK na nivou Radne organizacije. Redovnom aktivnošću društveno-političkih organizacija u okviru OOUR i Radne zajednice i na nivou Radne organizacije i šire znatno se uspješnije rješavaju tekući problemi u radu, uz istovremeno obezbjeđenje dobrih međuljudskih odnosa u ukupnom kolektivu. Borba za izgradnju socijalističkih samoupravnih društveno-ekonomskih odnosa u Radnoj organizaciji je stalna preokupacija svih svjesnih socijalističkih snaga sa Savezom komunista na čelu.

● Kadrovi osnovni nosioci uspješnog razvoja Radne organizacije


U periodu proteklih pet godina poslovanja RO »Progres« obezbjeđenju i jačanju kadrovske strukture radnika u OOUR i u Radnoj zajednici dat je prioritet u odnosu na sva druga pitanja, jer se polazilo sa stanovišta da samo sposobni i stručni kadrovi mogu biti nosioci savremene organizacije rada i uspješnog postepenog transformisanja zatečenog stanja u trgovinskoj i ugostiteljskoj djelatnosti.

Do kakvih strukturnih i brojčanih promjena je došlo u periodu od 1976. do 1982. godine najbolje se vidi iz sljedećeg pregleda:

● Struktura zaposlenih radnika

Kategorija- stručnost	31. 12. 1976.		28. 2. 1982.		Index 82:76
	Br. rad.	%	Br. rad.	%	
— VSS radnika	1	—	7	1,0	—
— VŠS radnika	4	0,9	14	2,0	350,0
— VKV radnika	49	10,5	55	7,8	112,2
— KV radnika	181	38,9	308	43,9	170,2
— SS radnika	28	6,0	94	13,4	335,7
— PK NS radnika	37	8,0	80	11,4	216,2
— NK radnika	165	35,7	144	20,5	86,7
S V E G A:	465	100	702	100	151,0

● Slikoviti prikaz kretanja broja zaposlenih po kvalifikacijama radnika



LEGENDA:

1976. baza — bijelo; 1982. — šatirano

Broj zaposlenih radnika povećan je za 51% ili, izraženo u apsolutnom iznosu, za 237 radnika. Međutim, broj zaposlenih je veći, jer je u periodu od pet godina penzionisano oko 20 radnika, a po sili zakona prestao radni odnos za 15 lica.

Nema potrebe isticati šta znači stvaranje uslova za zapošljavanje radnika kada se na evidenciji nezaposlenih nalazi oko 3.200 lica na području lukavačke opštine.


Prije integrisanja bivših OUR u Radnu organizaciju »Progres« bio je samo jedan radnik sa fakultetskom stručnom spremom, a sada ih ima 7. Višestručni radnici su utrostručeni. I kod ostalih kvalifikacija zapaža se značajno poboljšanje.

● Trgovinski promet na malo udvostručen

Obim trgovinskog prometa u periodu od pet godina bilježio je prosječnu godišnju stopu rasta od oko 40%, što je znatno iznad nominalnog rasta cijena na veliko i malo. Posebno treba istaći da je trgovinski promet na veliko neuporedivo porastao.

Vrijednosno kretanje obima trgovinskog prometa na malo po godinama vidi se iz ovog grafikona:

U 1982. godini očekuje se obim trgovinskog prometa u vrijednosti od oko 1.365 miliona dinara, čime će se trgovinski



promet na malo u odnosu na ostvarenje u 1976. godini gotovo usedmostručiti. Kada se eliminiše uticaj cijena na promet, može se slobodno tvrditi da je on najmanje udvostručen, što nije malo s obzirom na kratak period rada Radne organizacije kao cjeline.

Obim eksternog trgovinskog prometa na veliko je povećan za 10 puta, tako da je porastao sa oko 30 miliona dinara u 1977. godini na oko 300 miliona dinara u 1982. godini (prema usvojenom godišnjem planu).

Ovako visok porast eksternog trgovinskog prometa na veliko rezultat je sve tješnje i bolje saradnje Radne organizacije »Progres« sa susjednim radnim organizacijama iz oblasti industrije i rudarstva, a naročito sa RO Fabrika cementa, RO Fabrika sode, SOUR Koksno-hemijski kombinat »Boris Kidrič«, a u posljednje vrijeme i sa Titovim rudnicima Tuzla RO »Dobrnja-Lukavac« u Tuzli.